

Prologus

Dei beneficia narraueritis: tanto maioris vos criminis reos esse monstrabitis. Semper enim his omnibus extitistis ingrati: Nam ipsis pedibus quibus aridum mare transistis: iudebatis ante idola que fecistis: et ipso ore quo paulo ante ob necē aduersariorum domino cantaueratis: simulacra vobis fieri poposcistis: illis oculis quibus venerando deum in nube vel igne conspiceretis solebatis: simulacra intuebamini. Quāna quoque vobis fastidio fuit: et semper in deserto contra dominum murmurastis: ad egyptum unde vos manu valida eiecerat redire cupientes. Quid plura? Ita patres vestri crebra prouocatione dominum irritauerunt: ut omnes in heremo morerentur: nec plus ex senioribus eorum quam duo homines terram repromissionis intrarent. Sed quid antiqua replicamus: cum etiam si illa minime fecissetis: de hoc solo nemo vos dignos veniam iudicaret: quod dominum christum prophetarum semper vobis vocibus repromissum: non solum suscipere nolulistis: sed etiam morte pessima peremistis. Quē nos ut cognouimus: statim credidimus: cum nobis de eo antea non fuerit predictum. Unde probat: quod idolis seruimus: non oblationi mentis: sed ignorantie deputandum. Qui enim cognitum ilico sequimur: olim utique sequeremur si antea cognouissemus. Sic autem vos de generis nobilitate iactatis quasi non morum imitatio magis quam carnalis natiuitas filios vos faciat esse sanctorum. Benignus esau et ihsmael cum de stirpe sint abrahe: minime tamen in filiis reputantur. His taliter altercantibus: apostolus se medium interponens: ita partium dirimit questionem ut neutrum eorum sua iusticia salutem meruisse confirmet: ambos vero populos et scienter et grauer deliquisse. Iudeos quidem quod per peruersionem legis deum inhonorauerint: gentes vero quod cum cognitum de creatura creatorem ut deus debuerint venerari: gloriam eius in manufacta mutauerint simulacra. Utroque etiam similiter veniam consecutos equales esse verissima ratione demonstrat: presertim cum eadem lege predictum sit et iudeos et gentes ad christi fidem vocandos esse ostendat. Quāobrem vicissim eos humilians: ad pacem et concordiam cohortatur.

Explicit prologus. Incipit argumentum.

Romani sunt partis italię. Hi preuerti sunt a falsis apostolis: et sub nomine domini nostri Iesu christi in legem et prophetas erant inducti. Hos reuocat apostolus ad veram et euangelicam fidem: scribens eis a corintho.

Explicit argumentum.

auctoris

Reuerendissimi in christo patris et domini domini Hugonis de sancto Choro: sacrosanctę ecclesię Romanę Tituli sanctę Sabine Cardinalis primi de ordine predicatorum in postillam super Epistolam sancti Pauli: Prologus.

Beniamin lupus rapax: mane comedit prædam et vespere diuidit spolia. Gen. xlii. d. Paulus significat per beniamin: propter septem rationes. Primo quia de eius tribu fuit. Phil. iij. a. Circumclusus octavo die de genere israel: de tribu beniamin. Secundo propter nominis interpretationem et mutationem: Factus est enim de filio sinistre filius dextre: et de paulo paulus. Act. ix. Tercio propter modum nascendi: quia dum nasceretur perijt mater sua: et in conuersione pauli: perijt synagoga: mater eius spiritalis. Quarto propter angariam natiuitatis: quia uterque natus est abortiuus. i. Cor. xv. b. Tancus abortiuus visus est et mihi. Quinto propter formam actionis: quia sicut in sacco beniamin inuentus est cyphus argenteus ioseph: ita in persona pauli inuenta est sapientia et eloquentia multa nimis. Th. ij. Cor. iij. b. Habemus thesaurum istum in vasis fictilibus. Sexto propter prophetiam: quia quod prophetatum est de beniamin: Beniamin lupus rapax et beato paulo conuenit: quia in mane inuentus suę sanctos persecutus est: sed in vespere conuersionis suę ad dominum: spolia a diabolo erepta diuisit per diuersa officia. Septimo propter modum apparenti: quia ioseph apparuit beniamin tanquam iratus: ita christus paulo: Act. ix. a. quando eum excecavit et in terram prostravit. De isto lupo dicit Esa. xj. b. Habitabit lupus cum agno. Glo. id est Paulus cum anania. Lupus enim fuit propter rapacitatem: Rapuit enim prædam dei de ore diaboli. Fuit autem non solum lupus: sed et leo. De quo Proverb. viij. d. Leo fortissimus animalium: ad nullum pauebit occursum. Paulus enim neminem expauit. Roma. viij. g. Certus sum enim quod neque mors neque vita neque angeli et. De hoc leone dicit Iudic. xij. c. De comedente exiit cibus et de forti egressa est dulcedo. Et non potuerunt per tres dies propositionem soluere. Comedens est paulus: qui sub gamalielle lege sibi incorporauit: et euangelium non ab hominibus: sed a deo didicit. Gal. j. a. Vel comedens: quia quasi maxilla filios incorporauit ecclesię. Gal. iij. c. Filioli mei quos iterum parturio donec formetur christus in vobis. De hoc comedente exiit cibus sanctę predicationis. i. Cor. ij. b. Sapientiam loquimur inter perfectos. Et non solum cibus: sed et potus. i. Cor. iij. a. Lac potus dedit vobis: non escā. Fortis fuit ad portandum onera ecclesię. Act. ix. c. Vas electionis mihi est iste ut portet et. Non solum fortis fuit iste leo: sed et audax ad persequendum pseudo apostolos. ij. Cor. iij. c. In quo quis audeat: audeo et ego. De hoc forti egressa est dulcedo: quia mel et lac sub lingua eius: Cant. iij. c. Et Ps. De petra melle saturauit eos. i. gentes. Et Deut. xxxij. b. Et suggeret mel de petra: oleumque de saxo durissimo. De forti ergo egressa est dulcedo. i. de paulo doctrina istius libri. Per dulcedinem ergo mellis intelligit causa suscepti operis. Quę triplex est secundum triplicem effectum mellis. Amaritudinem remittit: a putrefactione custodit et mundificat: Et apostolus ad hoc scribit epistolam: ut virtute fidei declarata: oneralegis et distinctione euacuet: et fulgura prophetarum. i. cominationes in pluuia vertat: promissionum euangelicarum: et ut a prauitate hereticę doctrine nos custodiat: et ut soluendo questiones corda fidelium a multis scrupulis errorum euacuet. Modus agendi est talis: ut in omnibus epistolis falsa remoueat: et veritatem commendat. Per hoc quod non potuerunt soluere per tres dies expositionem: notat difficultas huius libri: in quo excitat attentio. Tancus enim difficultatis est quod signacula. i. difficultates et obscuritates eius non poterant aperiri: per tres dies. i. nec per cognitionem naturalem: nec per acquisitam. i. per artem: nec per datam. i. per gratie illuminationem. De hac triplici cognitione habetur Proverb. xxij. c. Ecce descripsi eam tripliciter. Non igitur restat nisi ut apud sanfonem lachrymas fundamus: ut diligenter studeamus ut aremus in virula eius: ut habeamus expositionem huius libri.